



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: A-330-5/18
Datum: 24.09.2018. godine

Na osnovu člana 70. Zakona o javnim nabavkama Bosne i Hercegovine („Službeni glasnik BiH“, broj 39/14) i člana 34. Pravilnika o javnim nabavkama Tužilaštva/Tužiteljstva BiH broj: A-97/17 od 25.05.2017. godine v.d. glavnog tužioca Tužilaštva-Tužiteljstva BiH d o n o s i

ODLUKU
o izboru najpovoljnijeg ponuđača

Član 1.

(Predmet odluke)

Ugovor o nabavci naftnih derivata/goriva za potrebe Tužilaštva-Tužiteljstva Bosne i Hercegovine, dodjeljuje se ponuđaču **Energopetrol d.d. Sarajevo**.

Član 2.

(Kriterij za dodjelu ugovora)

(1) Ponuda ponuđača iz člana 1. ove odluke zadovoljava sve uslove utvrđene u predmetnom otvorenom postupku za dostavu ponuda.

(2) Ponuđaču iz člana 1. ove odluke, ugovor će biti dodijeljen u skladu sa elementima Ponude, te uslovima i kriterijima utvrđenim u Obavještenju o nabavci i Tenderskoj dokumentaciji.

Član 3.

(Stupanje na snagu)

Ova odluka stupa na snagu danom donošenja.

O b r a z l o ž e n j e

Postupak javne nabavke proveden je putem otvorenog postupka. Obavještenje o nabavci objavljeno je na web portalu: <https://www.ejn.gov.ba/>, broj obavještenja: 435-1-1-734-3-29/18 od 30.08.2018. godine. U predmetnom postupku dostavljene su tri ponude ponuđača: Hifa petrol d.o.o. Sarajevo, Petrol BH Oil Company d.o.o. Sarajevo i Energopetrol d.d. Sarajevo.

Na osnovu Odluke o imenovanju Komisije za provođenje postupaka javnih nabavki Tužilaštva-Tužiteljstva BiH za 2018. godinu, broj: A-534/17 od 27.12.2017. godine i dopune Odluke o imenovanju Komisije za provođenje postupaka javnih nabavki Tužilaštva-Tužiteljstva BiH, broj: A-534-1/17 od 11.01.2018. godine članovi Komisije (u daljem tekstu: Komisija) izvršili su pregled i ocjenu ponuda i utvrdili sljedeće:

- U ponudi ponuđača Energopetrol d.d. Sarajevo utvrđeno je da je isti u dokumentu „Popis dostavljenih dokumenata, izjava i obrazaca sa nazivima istih“ napravio referencu na vlastiti dokument ponuđača, „Popis dostavljene dokumentacije nalazi se na str. 3-4 ponude“. Analizom navedenog dokumenta naziva „Sadržaj ponude“ koji je označen rednim brojevima

stranica 3. i 4. utvrđeno je da isti sadrži tabelu sa dokumentima koji sačinjavaju ponudu navedenog ponuđača. Navedeno je 17 dokumenata, međutim u dokumentu „Sadržaj ponude“ ne nalaze se oznake rednih brojeva stranica na kojima pojedini dokumenti počinju i završavaju. S obzirom na to da je ponuda pravilno uvezana i numerisana, opisana nepreciznost ne dovodi u sumnju integritet i cjelovitost iste, zbog čega navedeno ne predstavlja razlog da se ponuda okvalifikuje neprihvatljivom.

- U ponudi ponuđača Petrol BH Oil Company d.o.o. Sarajevo razlikuje se cijena u Obrascu za ponudu/Izjavi ponuđača od Obrasca za cijenu ponude-robe. Shodno članu 5.8 Tenderske dokumentacije: „Kada cijena ponude bez poreza na dodatnu vrijednost izražena u obrascu za cijenu ponude ne odgovara cijeni ponude bez poreza na dodatnu vrijednost izraženoj u izjavi ponuđača, važi cijena ponude bez poreza na dodatnu vrijednost izražena u obrascu za cijenu ponude“ zaključuje se da navedeno ne predstavlja razlog da se ponuda okvalifikuje neprihvatljivom.
- S obzirom da nadležno ministarstvo/organ Republike Srpske ne izdaje obrasce OPC/OPM, ponuđači su dostavili dokumente kojima dokazuju cijenu (ponuđač Energopetrol d.d. Sarajevo je dostavio cjenovnik od pravnog lica podugovarača, ovjeren potpisom direktora i pečatom društva, a ponuđači Hifa petrol d.o.o. Sarajevo i Petrol BH Oil Company d.o.o. Sarajevo su dostavili kopije fiskalnih računa).
- Ponuđač Energopetrol d.d. Sarajevo u svojoj ponudi je dostavio spisak izvršenih ugovora na vlastitom memorandumu, nije korišten predloženi obrazac. Navedeni dokument je popunjen na način da su dostavljeni svi neophodni podaci koji su potrebni članovima Komisije da utvrde neophodne činjenice. S obzirom na navedeno članovi Komisije su zaključili da navedeno ne predstavlja razlog da se ponuda okvalifikuje neprihvatljivom.
- Ponuđač Petrol BH Oil Company d.o.o. Sarajevo je dostavio ponudu u iznosu od 90.720,00 KM sa uključenim popustom, a bez PDV-a, koja prelazi ukupnu procijenjenu vrijednost nabavke predmetnih roba. Shodno navedenom, članovi Komisije su konstatovali da ponuda ponuđača Petrol BH Oil Company d.o.o. Sarajevo nije prihvatljiva.
- Ponude ponuđača Energopetrol d.d. Sarajevo sa ponuđenom ukupnom cijenom od 77.871,64 KM sa popustom, bez PDV-a i Hifa petrol d.o.o. Sarajevo sa ponuđenom ukupnom cijenom od 79.168,32 KM sa popustom, bez PDV-a su u potpunosti prihvatljive i zadovoljavaju uslove Tenderske dokumentacije i Tehničke specifikacije.

Shodno navedenom, članovi Komisije su uputili preporuku v.d. glavnog tužioca Tužilaštva-Tužiteljstva Bosne i Hercegovine za izbor najpovoljnijeg ponuđača **Energopetrol d.d. Sarajevo** čija ponuda u potpunosti ispunjava uslove za nabavku predmetnih roba,

Uzimajući u obzir navedeno, odlučeno je kao u dispozitivu ove odluke.

Pouka o pravnom lijeku

Žalba se izjavljuje Uredu za razmatranje žalbi Bosne i Hercegovine putem Tužilaštva/Tužiteljstva Bosne i Hercegovine u pisanoj formi u tri primjerka neposredno, elektronskim putem ili preporučenom poštanskom pošiljkom u roku od deset dana od dana prijema ove odluke.

Dostavljeno:

- Ponuđačima,
- Odjelu za materijalno-finansijske poslove.



V.D. GLAVNOG TUŽIOCA
TUŽILAŠTVA/TUŽITELJSTVA BiH

Gordana Tadić
Gordana Tadić